

Broj:1-25-16-4-374-14/17
Datum, 23.05.2018.godine

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 69. stav (2) tačka d), člana 70. stav. (1), (3) i (6). Zakona o javnim nabavkama („Službeni glasnik BiH“, broj 39/14), na preporuku Komisije za javnu nabavku broj: 1-25-16-4-374-13/17 od 18.05.2018.godine u postupku nabavke radova na rekonstrukciji požarnog sektora evakuacijskog stepeništa objekta kontrole letenja Mostar, direktor Agencije za pružanje usluga u zračnoj plovidbi BiH, na osnovu zaključka sa 69. sjednice Uprave Agencije održane dana 21.05.2018.godine donosi

ODLUKU

o poništenju postupka javne nabavke radova na rekonstrukciji požarnog sektora evakuacijskog stepeništa objekta kontrole letenja Mostar

Član 1.

Prihvata se preporuka Komisije za javnu nabavku broj: 1-25-16-4-374-13/17 od 18.05.2018.godine i poništava se postupak javne nabavke radova na rekonstrukciji požarnog sektora evakuacijskog stepeništa objekta kontrole letenja Mostar.

Član 2.

Ova odluka objavit će se na web-stranici www.bhansa.gov.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova odluka stupa na snagu danom donošenja, i dostavlja se svim ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu odluke o pokretanju postupka za za nabavku radova na rekonstrukciji požarnog sektora evakuacijskog stepeništa objekta kontrole letenja Mostar u sastavu:, Odluka broj: 1-11-16-4-374-1/18 od 14.02.2017. godine, Komisija je pokrenula postupak javne nabave po metodi „otvoreni postupak“.

Obavještenje o provedbi postupka objavljeno je na portalu javnih nabavka broj: 1250-1-3-46-3-31/18 od 30.03.2018.godine. Sažetak Obavještenja o nabavci objavljen je u Službenom glasniku BiH broj: 21/18 od 06.04.2018.godine.

Do krajnjeg roka za preuzimanje tenderske dokumentacije istu su sa portala javnih nabavki preuzeli sljedeći dobavljači:

Ekapija d.o.o
MEDIC BH d.o.o.
AB Neretva d.o.o.
Antonio Commerce d.o.o.Mostar
Izgradnja Tojaga d.o.o. Mostar

BBS Europe
GD Konstrukcije d.o.o.
Društvo za građevinstvo, trgovinu i usluge "GTR" d.o.o. Mostar
COLOREX d.o.o. Mostar
G.P. BARABARIĆ d.o.o. Mostar
Supernova d.o.o.
Domena d.o.o. Mostar
Građevinar d.o.o. Mostar
ZT Tehnozaštita d.o.o.

Na sjednici održanoj dana 26.04.2018.godine u 12.30 sati, Komisija je konstatairala da je u predviđenom roku, pristigla zapakirana ponuda dobavljača:

ZT TEHNOZAŠTITA d.o.o. Mostar

Komisija je u skladu s odredbama ZJN, pristupila otvaranju ponuda o čemu je sačinjen poseban zapisnik koji je u zakonskom roku dostavljen ponuđaču.

Nakon otvaranja ponuda Komisija je nastavila rad na analizi pristiglih ponuda, te izvršila ocjenjivanje istih prema kriterijima definiranim tenderskom dokumentacijom.

U nastavku rada Komisija je nastavila na analizi pristigle ponude, te je uočila da u Obrascu za cijenu ponude postoji računska greška.

U skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) Ugovorni organ se obratio ponuđaču Zahtjevom za ispravku računске greške u ponudi broj: 24-01/04-18 od 26.04.2018.godine za nabavku radova na rekonstrukciji požarnog sektora evakuacijskog stepeništa objekta kontrole letenja Mostar.

Naime, u Obrascu za cijenu ponude, u rubrikama na kraju tabele gdje se iskazuje ukupna cijena bez PDV-a, popust i ukupna cijena sa popustom bez PDV-a ponuđač je naveo sljedeće:

Ukupna cijena bez PDV-a:	79.655,38 KM
Popust:	13.541,41 KM
Ukupna cijena sa popustom bez PDV-a:	93.196,79 KM

Prilikom obračuna cijene sa popustom bez PDV-a, iskazani popust je ponuđač sabrao, umjesto oduzeo od cijene bez PDV-a, te s obzirom na navedeno, izračun ukupne cijene u ponudi ponuđača sa popustom bez PDV-a je trebao da iznosi 66.113,97 KM. Također, u Izjavi ponuđača datoj u Aneksu 2. Obrasca za dostavljanje ponude je navedeno da u slučaju razlika u cijenama iz ove Izjave i Obrasca za cijenu ponude, relevantna je cijena iz Obrasca za cijenu ponude.

Ponuđač ZT Tehnozaštite d.o.o. Mostar je dostavio očitovanje na zahtjev Ugovornom organu u kojem je naveo da ispravku nije u mogućnosti prihvatiti, te da je došlo do previda u smislu da nije uočio da se na ponuđenu ukupnu cijenu nudi opcija popust, te je obračunao PDV i zbrojio ga sa ukupnom cijenom, pa se na osnovu navedenog ponuda ponuđača odbacuje u skladu sa članom 68. stav (4) tačka g) ZJN jer isti nije prihvatio ispravku računске greške.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama i podzakonskim aktima. Naime, u postupku predmetne nabavke nesumnjivo je utvrđeno da primljena ponuda nije prihvatljiva čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u članu 1. dispozitiva ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Dostaviti:

Ponudaču

Web stranica BHANSA-e

a/a